

永興縣志卷三十八

知永興縣事呂鳳藻王修

政績志

單父任人武城學道儒者牛刀小試而循良著績以宰天下亦如是矣永自宋以來祀名宦者七人而神父慈君實每代不乏為志其歌頌之不替者後人披是編而曰某也賢某也能三代之直在民豈可以名位之顯得之哉

宋

丁 爌字文震清江人紹定壬申進士持身廉

永興縣志

卷之三十八

政績 一

慎勤政恤民以文學飭吏事嘗勸葺堂廡士民愛戴祀名宦

曹 洪未陽進士因邑小民貧上供匱乏嘆曰

吾入歷縣未嘗橫斂豈以暮年倒行逆施乎遂

棄官歸州志列循良

元

夏德忠濟南人大德元年任縣尹重修儒學崇獎士類一時登第者十人祀名宦

彭若舟字汝涉南昌人至正十七年賊四起攻縣治官棄印遁歸都帥以舟攝縣事舟以縣當

要衝無保聚之地乃度縣南山險曰飛鷲砦斬
截甃砌築室其中令民遷避者入居之時御戎
服作士氣民賴以寧又於金陵鄉王相山下築
石堰障水灌田萬餘石民號相公陂至今利之
其子孫入籍於永永人指稱為彭相公家

前志列鄉

賢呂志改移入此

明

周濠奉化進士正統六年知縣事興學勸農
政平訟簡兼以文學著稱累官提學副使祀名
宦

永興縣志

卷之三十八

政績

二

林廷贊浙江象山監生天順元年知縣事賦性
明敏練達吏事尤以詢訪物害為急嘗曰除害
所以安民也識者以為名言祀名宦

馬綸四川內江進士成化五年知縣事修廢
舉墜興學化民尋以憂去祀名宦

周佩江西廬陵舉人正德十二年知縣事牧
民惠愛邑方築石城身任勞瘁又嘗同邑人李
永敷創修邑志祀名宦

任俊雲南前衛舉人嘉靖十三年知縣事愛
人節財民懷吏畏祀名宦

范嘉桂廣東潮陽舉人萬曆二年知縣事真心實政愛民如子直慙不阿嘗忤郡長吏左遷去後民懷思之州志列循良

潘一諤福建惠安舉人萬曆四十年知縣事豈弟明察屏絕左右徵收不計羨餘贖緩強半減免擢泗州知州州志列循良

陳鳴郊河南鄆城歲貢天啟三年知縣事修文廟輯縣志裁革僉報以里長輪充管庫民稱便焉州志列循良

余新民黃坡舉人任學教諭崇尚德行周貧卻
永興縣志 卷之三十八 政績 三
費尋階州守士子爲立德教碑州志列循良
鍾日新興國歲貢任學教諭捐俸修理文廟去後邑人立碑以志

國朝

閻之麟陝西延安廩生順治十三年知縣事建學修城才能懋著陞雲南武定府同知未及就道而卒州志列循良

李允禧福建安溪歲貢康熙元年知縣事政簡刑清民歌眾母嘗修邑志

涂元鳳江西南昌人由吏員奉征南將軍穆顯

授康熙十七年知縣事邑初蕩平申請征南將軍題免本年錢糧七千兩民受其惠

王典浙江仁和貢生康熙十九年知縣事邑經兵燹之後招徠撫綏流亡復業鄉城設立義學五所捐俸延邑之名儒以授生徒絃歌不輟民兩遭祝融計戶捐貲蓋造屋舍安堵如故奉調貴州軍前督運軫恤夫役軍供無悞兩署州篆士民立碑以志其所重修邑志後多從之
劉蒞直隸清苑貢生康熙二十四年知縣事嘗奉

永興縣志

卷之三十八

政績

四

勅建造鷄公山佑國寺捐俸建造學宮及衙署

呂宣曾號伊蔚河南新安舉人乾隆八年知縣事重修邑志振興義學

王源復黃岡副榜康熙十九年任學教諭正己率士勸課特勤嘗捐俸重建櫺星門

劉之珩字荆善安鄉拔貢康熙五十二年任學教諭淹貫經史湛深理學勤於課士居常肅衣冠端師範一時請業者皆凜然起敬亦無不得其意以去又極加意費宮正殿啟聖祠皆其重建

文開謨湘潭歲貢康熙五十三年任學訓導勤於課迪鼓舞多士加意學宮大成門東西兩廡鄉賢名宦祠及櫺星門泮池石欄杆皆其重修捐俸不給更取家貲終之學中勒碑以志姚祥河南洛陽人任邑典史年分無考剛正敏斷務鋤強暴有豪商聚眾稔惡於清水舖奮然驅之民賴以甯舊志稱爲尉之僅見

增

沈維基字抑恭號心齋浙江海甯副榜乾隆二十二年知縣事勵精圖治案無畱牘勤於造士

永興縣志

卷之三十八

政績

五

選有課士校士等錄邑人著德政歌清廉頌兼護州篆民刊德愛碑甘棠畱愛集後人每傳誦之嘗續纂邑志又嘗詳請修城以文章節吏治有古儒吏風

夏扶英號根晦湖北孝感明通進士名進士夏力恕子也乾隆二十八年知縣事勤於撫字體恤孤貧廉介罕與之匹能詩工書論文惟宗先輩失職後畱永歲餘與民相處如師生無貸不償時有餽之米者有句曰折腰態度生平未五斗緣何餽我來可以想其風概矣

李榮陞江西萬載進士乾隆三十九年知縣事
培植士林甫下車卽課士於堂邑舊無考棚捐
廉倡建功未竟以丁憂去職

任其昌四川成都舉人乾隆四十年知縣事前
令建立考棚賴以完竣

張 博山西崞縣舉人乾隆四十五年知縣事
政尚嚴明一時悍族奸宄莫不聞風斂迹良民
賴以安堵以卓異調補繁難有循聲去任數十
年民猶頌張侯之政不衰

袁 珥江西甯州舉人乾隆五十七年知縣事

臨財廉自奉儉署內不過十許人其爲政嘗抑
豪強而伸窮困邑每有輕生賴人者土棍詐索
百端傾家者甚眾侯深燭其弊遇非真實命案
不輕準理窮治屍親不少貸此風稍息蒞任八
年終始一節不渝捐置安陵書院膏火田畝去
之日謂民曰得我姓袁者大難去後民懷思之
陳永圖號固菴四川涪州進士前翰林院庶吉
士嘉慶十一年知縣事性慈善不尚操切課士
勤衡文詳慎三同考試所識拔多知名士邑舊
有無名徵收等稅詳除之補宜章縣以疾回籍

喻天佐甯鄉舉人乾隆四十七年任學訓導性曠達爲文極有理化好啟迪人有就正必刪潤之著有稿行世捐建西齋學署

黃崇正號諤軒安化拔貢乾隆五十六年任學訓導好啟迪人從之受業多所成就修整學宮親督工不倦中式戊午舉人

蕭坤元甯鄉舉人嘉慶七年任學教諭性敦厚勤於月課捐建東齋學署以病卒於署

宋宴春號少梅江西奉新縣附監生道光元年官永興縣廉明慈惠愛士親民 文廟寶塔次

永興縣志

卷之三十八

政績

七

第構修五年調沅陵士民赴藩憲乞留至泣下去之日賦詩載酒以送如別慈父母

戴家政號子正雲南舉人道光十年官永興縣風範端嚴加意作育接見士人必以禮法相繩先是書院田租由官經管吏多侵漁嗣經發交紳管膏火獎賞至今稱便

楊家麟號蘊山雲南景東廳舉人道光十四年官永興縣學問超卓政暇爲文程式多士選有安陵讀本刊刻行世

魯 俊陝西舉人道光二十八年官永興縣才

幹精敏善折獄判決如流蔓延拖累之弊一清
溫德宣號翁三四川益州江津進士溫文爾雅
作育情殷書院餘貲購書成林精選制藝數十
本嘗經手抄付梓咸豐歲壬子粵匪由郴州寇
永興城故傾圮率眾禦賊不克被追至耒頭嶺
墜崖死屍棺停城隍廟旋被焚慘不忍言士民
請建專祠不果悲夫

陸運景號典臣江西豐城廩貢生同治二年官
永興縣幹濟有爲 文廟書院濂溪張中丞祠
百廢具興深得士民心三年冬將遷四年元旦

永興縣志

卷之三十八

政績

八

士民赴 憲乞畱去之日邑人作去思吟數百
篇付梓

楊踐形號可亭衡陽縣舉人道光二十八年官
永興訓導文章巨手稱著作才宏開講座士人
以詩文求教者無虛日家清貧俸薪館穀節儉
所餘不以私己先置祖父祭田三十年截陞知
縣將戒行以疾歿於署學人至今追思

歐陽金理號崑泉攸縣人由拔貢中式舉人官
永興訓導靜默端方道貌充然勤月課澹費脩
潔己恕人士林欽服其德範年八十致仕歸

張純德號咸一四川廩貢生咸豐九年知縣事
剔弊興利愛士恤民善斷案屢爲民昭雪奇寃
有古能吏風未幾去任士民如失慈父母

劉 鎔號鳳垣桃源經魁道光十六年任學教
諭加意作育人才爲人春容大雅卓爾不羣學
宮學署被水圯勸捐修葺繁費經營

汪文煥四川舉人同治三年知縣事端方正直
干謁之風一絕而於士之敦品立學者隆禮相
待去之日兩袖清風士民泣送